

CHILD WELFARE SERVICES (mokta ekin Child Protective Services)

Elañe emōj kōmman abnōnō nae eok kin am kakkure (abuse) im jab onake (neglect) ajiri eo, enaj iwōj policeman im social worker jen Child Welfare Services (CWS).

Emen wewein kakkure ajiri:

- 1) **Tar jen joñan ad drod peid ioir:** Ilo ad dreñdreñ ajiri, juri, kiji, tûle ir ilo kijeek, im men ko eirlok wōt, jej kakkure ir.
- 2) **Jerwane ad onake ir:** Jako jen ir im jab kejbarok ir; jab onake aolepen aikuj ko aer im jako jen ir jen ad lale aikuj ko aer ilo katakin/jelālokjen, ak ban im nanñinmij ko aer.
- 3) **Sexual abuse:** Ro rō-ritto REJJAB aikuj kakkure enbwinin ajiri ro (15 yiō drettā ir im driklok).
- 4) **Emotional abuse:** Buroñlok ajiri ro, kwalok nan eddo, im jab roñjake ir im lale aer aikuj.

Enañin aolep family ejjelok report kake ir kin child abuse im neglect. Ijoke elañe emōj an CWS iwōj juōn alen, emman lok ñe kwoj melele kin kobban report ko im kejbarok copy in pepa ko rej liwaj. Bwe en bolel am bōk melele ko rellap lok jen social worker ro, ba ke kwoj aikuj ri-ukok. Jab kōjerbal ajiri ro bwe ren ukok ñan eok. Jab sign (drod eltan peium) ilo pepa ko elañe kwojjab melele kaki. Aurōk bwe kwon karejar.

Ewōr ien family ko rej koba tok im kwelok ibben dron im ro jet bwe ren jimor bukwōt mejlan problem ko ikōtan dron. Jet ien, ñe ekkar, innem ajiri eo naj bed ibben family ko jet ijjelokin jinen im jemen.

CHILD WELFARE SERVICES (Continued)

Elañe CWS ej lo an jab bolel an jinen im jemen ajiri eo tel-onake, innem naj drode ibben ro jet nukin, ak ibben foster family ro, ak ilo emergency shelter ko. Ñe eindrein, innem family eo aikuj bukwõt jibañ jen ri-tel ro ilo jukjuk in bed eo ak ibben lawyer ro ñan jibañ böktok melele ko jet ñan CWS im family ko jimor. Emaroñ naj wõr court hearing naj kõmman ñan an jugde etale ñe emman bwe ajiri eo en rol ibben jinen im jemen ak jab.

CWS naj jibañ katakin family eo bukwõt mejlan problem ko rej walok, imkatakin wewein kauwe neji ir. Rej maroñ in bar drod ir ilo program in jibañ lok ilo mweo ak ilo agency ko.

Ñan melele ko jet, ebbök am copy in “Guide to Child Welfare Services” jen office eo an CWS im social worker ro.

